



Gure baratzak fresko mantentzen ditugu ur lainotatuarekin (airea eta ura partikula oso finetan)

.....

Manifemos nuestras verduras frescas con agua nebulizada (aire y agua en partículas finísimas)

6

Ingurumena

Ingurumen-
jasangarritasunarekiko
konpromisoa

Ingurumen-jasangarritasunarekiko konpromisoa

307



EROSKI jarduera-esparru guztietan indarrean dagoen eta aplikatzekoa den legedia betetzen dela ziurtatzeko lan egiten dugu. Baina, horrez gain, etengabe ahalegintzen gara gure jardunak ingurumenean dituen eragin negatibo nagusiak identifikatzeko, karakterizatzen eta minimizatzen, bai eta eragin positiboak sustatzen ere.

Horretarako, banatzaileak izanik gure jardunak ingurumenean izan dezakeen eragina aztertzen

dugu fase guztietan. Hau da, enpresa hornitzaileetan produktuak fabrikatzen direnetik hasita etxeetan eta geure instalazioetan sortutako hondakinen kudeaketara arte. Gure jardunak ingurumenean duen eraginaren ikuspegi orokor horrekin saihestu nahi dugu fase bateko eragina beste batera transferitzea, eta interes-talde guztietara zabaldu nahi dugu ingurumena babesteko konpromisoa. Ingurumenarekiko portaera eredu hau, gainera, gure elkartearen jokabide-kodearen printzipioetako bat da.

Ingurumen politika

Eta konpromiso hau erakunde osoan integratuta dago, ingurumenarekiko errespetua eta gizarte ongizatea geure helburu estrategikoekin lerrokatzen dituen ingurumen politika baten bitartez. Politika honen xedeak dira honako hauek: klima-aldaketan dugun eragina murriztea; baliabide naturalak babestea eta modu arduratsuan erabiltzea; hondakinak ekonomia zirkularreko eredu bidez kudeatzea; eta biodibertsitatea babestea. Hala, gure politikaren oinarriak dira:

- 1 Jarrera proaktiboa mantentzea, ingurumenaren arloko araudia betetzen dela ziurtatzeaz gain gero eta konpromiso zorrotzagoak hartzen lagunduko diguna.
- 2 Kutsadura saihestea, gure ingurumen-kudeaketa sistematizatuz; horrek gure jardunak ingurumenean duen eragina kontrolatzea, neurtzea eta ezabatzea edo murriztea ahalbidetuko digu.
- 3 Ingurumen-kudeaketako sistemaren oinarrian jarzea elkartearen alderdirik garrantzitsuak etengabe hobetzea. Horretarako, helburu zenbagarriak ezartzen ditugu, eta beharrezkoak diren baliabideak bideratzen ditugu helburuok lortzeko.
- 4 Eskaintzen ditugun produktu eta zerbitzuen ikerketan eta garapenean ingurumenaren aldagaia sartzea, ingurumenari lotuta egiten ditugun ekintzen errentagarritasuna bermatze eta negoziatzeko aukera berriak identifikatzeko aldera.
- 5 Denon elkarlana eta partaidetza sustatzea garapen jasangarriaren alde. Horretarako, ezinbestekoa da gure elkarteko maila guztietan pertsonak trebatzea eta informatzea.
- 6 Komunikazio-kanal arinak ezartzea agintariekin, tokiko komunitatearekin, sektoreko elkarrekin, hornitzaileekin eta kontsumitzaileekin, batetik gure jardunaren eragina gardentasun osoz eta etengabe zabaltzen dela ziurtatzeko, eta bestetik eragin horiek minimizatze bideratu ditugun baliabide eta teknologia ezagutarazteko.

Helburu jasangarriak

2018an, Osasunaren eta Jasangarritasunaren aldeko konpromisoen artean, zenbait helburu finkatu genituen hurrengo urteetan ingurumenean dugun eragina hobetzeko. Horretarako, lan-ildo berriak jarri genituen martxan, eta 2019an ildo horietatik jarraitu dugu. Kapitulu honetan azalduta daude helburu horiek. Hona hemen helburu nagusiak:

Gure CO₂ emisioak % 25 murriztea
2025 baino lehen, klima-aldaketan dugun eragina txikitze aldera. Hori lortzeko, ekipamenduen eta prozesuen eraginkortasuna hobetzen ari gara, eta energia berriztagarrien erabilera sustatzen dugu.

2025erako saltzen ditugun **plastikozko ontziak % 20 murriztea**, gure jardunaren ondorioz material horrekin itsasoko zein lehorreko ingurunea ez kutsatzeko. Horretarako, solteko salmenta eta berrerabiltzeko ontzi eta poltsen erabilera sustatzen ari gara, bai eta jatorri berriztagarria duten bestelako materialak ere.

Gure prozesuak **zero hondakin** sortzea eta **ekonomia zirkularren** printzipioetarako zuzentzea, elikagaiarik alferrik galtzen ez dela ziurtatzeko; horrela eragin negatiboak saihestuko ditugu ingurumenean eta gizartean. Hori lortzeko, halaber, ontzi eta bilgarri berri eta ekologikoak diseinatzeko ari gara, **2025ean % 100 birziklagarriak** izan daitezen.

Ingurumena eta animaliak babestuz egin diren produktuak sustatzea; hala, **EROSKI Natur produktu guztietan ingurumen ziurtagiria** eskatzen dugu, eta produktu ekologikoen eskaintza handitu dugu, animalien ongizatea bermatzeko zigiluekin eta abar. Gainera, hornitzaileekin elkarlanean ari gara hainbat proiektutan, beren prozesuetan ere ingurumena babesteko irizpideak ezar ditzaten.



Adierazle nagusiak 413-2

Materialak 301-1

Marka propioiko produktu eta ontzietan erabilitako materialak, sortzailearen erantzukizun hedatuko sistema kolektibo*ei* aitortuak

 **3.031 tona**
Ontziak eta bilgarriak

Berriztaezinak		Berriztagarriak	
Altzairua	442	Papera/kartoi <i>a</i> /zura/artelazkia	1.118
Plastikoa	1.265	Zeramika	4
Aluminioa	48		
Beste batzuk	46	Beira	107
Guztira	1.801	Guztira	1.230

 **68 tona**
Pilak

0,0001 tona
Lanpara fluoreszente konpaktuak

0,03 tona
Oliao

1.216 tona
Tresna elektriko eta elektronikoak

Ikus adierazleen eranskineko 25. taula aurreko urteekin alderatzeko.

Papera

 **5.242 tona**
Papera

Berriztagarriak	
Publizitate liburuxkak	4.559
Aldizkariak	388
Erosketa-tiketak	285
Egoitza	10

Publizitatea:
Paperak % 70eko PEFC (Programme for the Endorsement of Forest Certification schemes) ziurtagiria du. Hau da, bermatuta dago paper hori modu jasangarrian kudeatutako basoetatik datorrela.

CONSUMER EROSKI eta EROSKI Club aldizkariak


Paperak FSC® (Forest Stewardship Council) edo PEFC ziurtagiria dauka, eta baso kudeaketa arduratsua bermatzen du.

Elorrioko egoitza:

Gramaje txikiagoko FSC® eta EU Ecolabel zigiluak dituen paper ekoeraginkorra erabiltzen dugu.

Ikus adierazleen eranskineko 26. taula aurreko urteekin alderatzeko.

Berrerabilitako ontzi logistikoak 301-3

 **5.400.714**
Pale berrerabiliak

 **41.418.189**
Plastikozko kaxa berrerabiliak

Ontzi logistikoaren haustura % 0,3-30 artekoa da, ontzi mota zein den. Haustura guztiak hartuta, ontzi guztien % 10 baino ez dira .

Ontzi logistiko hauek berrerabiltze*ari* esker CO₂ baliokidearen 3.100 tona baino gehiago igortzea eta zuhaitz asko moztea ekiditen dugu

Ikus adierazleen eranskineko 27. taula aurreko urteekin alderatzeko.

Kutxa-lerroetan merkaturatutako poltsak

 **90.989.193**
poltsak

-% 26
2018arekiko

2.387.601
plastikozko poltsa berrerabilgarriak AENORen ziurtagiriarekin*

1.433.958
% 70etik gora plastiko birziklatua duten errafiazko poltsak, berrerabilgarriak

229.965
poltsa solidario berrerabilgarriak

37.328.955
% 55etik gora plastiko birziklatua duen poltsa

1.111.466
paperezko poltsak

7.069.530
poltsa konpostagarriak

41.401.119
erabilera bakarrek*o* plastikozko poltsak*

26.598
bestelako poltsak

* Kutxa-lerroetako poltsak ez dira berritu sare osoan 2019an; 2020an zehar erabilera bakarrek*o* plastikozko ohiko poltsak desagertuko dira denda guztietatik.

Energia 302-1; 302-2; 302-3; 302-4


Erakundearen energia kontsumoa

EROSKlren energia intentsitatearen ratioa

617,32 kWh/m²

merkataritza azalerak

0,17 kWh/€
salmenta garbiak



Energiaren kontsumoa erakundetik kanpo 302-2

Hegazkinez egindako lan bidaietan kontsumitutako kerosenoa, errepidez zein trenez egindakoetan kontsumitutako diesela eta trenez egindako lan bidaietako elektrizitatea:

17.103.436 kWh


Ikus adierazleen eranskineko 28., 29. eta 30. taulak aurreko urteekin alderatzeko, eta Gigajuliotan emandako balioak.

Hondakinak 306-2

EROSKIn alderantzizko logistika prozesuak garatzen ditugu, dendetatik gure plataformetara, alegia. Gure jarduerak sortzen dituen hondakinak zuzen kudeatzen direla bermatu nahi dugu, baita kudeatzaile baimendunak hondakinak garraiatzeko fasean ingurumenari egiten dion inpaktua txikitu

ere. Hala ere, zenbait kasutan, kudeatzaileak gure establezimenduetan zuzenean jasotzen ditu hondakinak. Memoria honetan aurkeztutako datuak gure negozioek sortutako eta logistika alderantzizkatuaren bitartez edo kanpo kudeatzaile batek bildutako hondakinei dagozkie.

Hondakin ez arriskutsuak
46.627 tona




Hondakin arriskutsuak
18 tona




Sortutako hondakinak guztira
46.645 tona

Birziklatutako hondakinak
38.019 tona



Ikus adierazleen eranskineko 31. taula aurreko urteekin alderatzeko.


Balorizatutako hondakin organikoak
4.947 tona



Irinen eta animalia olioen zein animaliei jaten emateko pentsuen ekoizpena.


Bezeroei jasotako hondakinak birziklatzeko

Hondakin ez arriskutsuak
791 tona



Ikus adierazleen eranskineko 32. taula aurreko urteekin alderatzeko.


Hondakin arriskutsuak
1.569 tona



Ur kontsumoa 303-1

Gure denda, plataforma eta egoitzetan kontsumitzen den ura edateko uraren horniketarako udal sareetatik iristen da; haiek kudeatzen dute zuzenean banatutako ura hartu eta edateko on bihurtzearena.

1.028.495 m³
kontsumitutako ura




Ikus adierazleen eranskineko 33. taula aurreko urteekin alderatzeko.

Ihesak konpentsatzeko kontsumitutako hozgarriak 301-1; 305-1

EROSKIk 2019an ihesak konpentsatzeko kontsumitutako hozgarriek ez dute ozonoa agortzeko potentzialik (substantziok ez daude Montrealgo Protokoloko A, B, C eta E eranskinetan).

58,31 tona
kontsumitutako hozgarriak



Ikus adierazleen eranskineko 34. taula aurreko urteekin alderatzeko.

Isurketak eta jarioak 301-2; 303-4; 306-1; 306-3

1.018.210 m³
sortutako hondakin-uren bolumena

Sortzen dugun hondakin-ura gure jarduera dagoen udalerrietako ur araztegiengan tratatzen dute. Estimazioen arabera, 2019an sortutako hondakin-uren bolumena 1.018.210 m³-koa izan zen. EROSKik isurketa eta jario kontrolgabeen prebentzio eta kontrolari buruz indarrean dauden legeak betetzen ditu, eta 2019an ez da isurketa edo jario adierazgaririk egon.


Laginak piezometroen bitartez hartu ondoren kaltetutako zoruak edo lurpeko urak hauteman dira bi kasutan (Abadiño eta Usurbil), aurreko urteetako isurketen ondoriozkoak, baina isurketa horien bolumena ezezaguna da; baliteke zorura eta lurpeko uretara egindako iragazteak bezero baten zabarkeriagatik (nahi gabe lurrera botatzea), enpresa hornitzaileak tangak kargatzean nahi gabe lurrera botatzeagatik edo bestelako arrazoiengatik gertatu izana. EROSKiren gasolindegia guztiek ihesak hautemateko sistema daukate, baina ez da horrelako ihesik erregistratu. Sareak mantentze-lan prebentiboetarako kontratua sinatu du petrolio-instalazioen mantentzeaz arduratzen den enpresa batekin, instalazioak behar bezala funtzionatzen duela kontrolatzeko. Gainera, estankotasun-proba guztiak ondo atera dira, bai tangetan bai hodietan. Hautemandako bi kasuetarako, zuzentze-planak aurkeztu zaizkie agintari eskudunei, eta laster abiaraziko dira. Halaber, beste bi zuzentze-plan ditugu martxan aurreko urteetan hautemandako beste bi gune kutsatuetan (Vélez-Málaga eta Jaca), eta 2017an Albaceten abiarazitakoa ere burutu da; hortaz, 2019an zuzentze horien kontrol eta jarraipen planari ekin diogu, emaitza positiboekin, eta 2020an burutuko dugu.

Bioaniztasunerako balio handia duten eremuetan dauden eragiketa guneak 304-1

Gure zentro guztiak hirigunean daude; 90 babes figura hauen eragina duten guneetan daude:

- NB (Naturgune Babestuak)
- IBAS (Espainiako Hegaztien eta Bioaniztasunaren Kontserbaziorako Eremu Garrantzitsuak)
- Natura 2000 Sarea (LIC, ZEC eta ZEPA)
- Biosferaren erreserbak
- IEZH (Espainiako Hezeguneen Inbentarioa)

Nabarmendu behar da probintzia edo autonomia erkidego batzuetan lurraldearen zati handi bat biodibertsitate oso baliagarritzat hartzen dela; hori gertatzen da, esaterako, Galizian eta Balear Uharteetan. EROSKI beti betetzen du ingurumenaren eta bioaniztasunaren legeria zentroen kokapena aukeratu eta haiek eraikitze orduan. Gainera, lanean ari gara, ingurumen inpaktua txikitze eta biodibertsitateari eusteko, zenbait ekintzen bitartez; esate baterako, arrantza jasangarria edo ingurumenaren babesaren arloan munduko aditua den WWF (World Wildlife Fund for Nature) bezalako elkarteekin abiarazitako elkarlana, 2007az geroztik. Elkarrekin bideratutako ekintzen artean nabarmenzen dira arrantzako produktuei buruzko jasangarritasun politika eguneratzea eta Elikadura Eskolaren bitartez kontsumo arduratsua sustatzea.



Zentro baten kokapenean eragiten duen babesgune kopurua:

- 1
- 2
- 3
- 4

Ingurumen ziurtagiriak dituzten produktuak

Gure eskaintza komertziala diseinatzean, lehorreko eta itsasoko bioaniztasuna babesteko helburua hartzen dugu aintzat.

- 2.140 produktu **ekologiko**.
- 342 arrandegi eta arrantzako 8 plataforma logistiko, **MSC** ziurtagiria dutenak.
- Gure kontserbako atunaren % 100ek **ISSF** erakundearen printzipioak betetzen ditu.
- 490 **EROSKI NATUR** produktu, askotariko ziurtagiriekin: Global G.A.P., ekoizpen integratua eta animalien ongizatea.
- 74 produktu **FSC®**, **PEFC** edo **FSI** ziurtagiriekin.



Berotegi efektuko gasen (BEG) isurketak – EROSKlren karbono azterna

305-1; 305-2; 305-3; 305-4; 305-5; 305-6

Memoria honetan azaldutako berotegi efektuko gasen igorpen motak eta iturriak:



Berotegi efektuko gasak:
CO₂ CH₄ N₂O HFC

Igorpen zuzenak

1. irismena

- Errepide bidezko garraio logistikoan kontsumitutako erregaia.
- Hozgarri ihesak hotz sistemetan.
- Gas naturalaren errekuntza instalazio propioetan.

Zeharkako igorpenak

2. irismena

- Erabilera propiorako energia sortzea.

3. irismena

- Errepide bidez, trenez eta hegazkinez egindako lan bidaietan kontsumitutako erregaia.
- Errepide bidezko garraio logistikoan eta lan bidaietan kontsumitutako dieselaren produkzioa.
- Edateko uraren kontsumoa; paperaren kontsumoa egoitzetan, publizitatean, aldizkarietan eta erosketa-tiketetan.

Isurketak guztira
CO₂ baliokidearen
291.205 tona
-% 18
2018arekiko

Berotegi efektuko gasen isurien intentsitatea

	kg CO ₂ eq/m ² merkataritza azalera	g CO ₂ baliok. /€ salmenta garbiak
1. irismena	131,6	35,4
*2. irismena	80,7	21,7
3. irismena	24,2	6,5
Guztira	236,5	63,5

Murritzeta, hein handi batean energia kontsumoaren murritzetari zor zaio, bai eta kontsumitutako elektrizitatearen CO₂ isurketa faktore txikiagoari ere. Izan ere, energia berriztagarriak proportzio handiagoan baliatzen dituzten merkaturatzaileek hornitu gaituzte.


Ikus adierazleen eranskineko 35. eta 36. taulak aurreko urteekin alderatzeko.

Berotegi efektuko gasen isurketak, irismenaren arabera

1. irismena

Igorpen zuzenak


CO₂ baliokidearen
162.073 tona
-% 7
2018arekiko



*2. irismena

Kontsumo elektrikoaren zeharkako isurketak

CO₂ baliokidearen
99.344 tona
-% 35
2018arekiko




*2. irismeneko isurketak kalkulatzeko, kontratatutako merkaturatzaileen isurketa faktorea erabili da. Mix nazionalarekin kalkulaturako isurketak Eranskineko 34. Taulan jaso dira, eta aurreko urteetako datuekin alderatu da.

3. irismena

Zeharkako beste igorpen batzuk

CO₂ baliokidearen
29.239 tona
-% 1
2018arekiko



* 3. irismeneko zeharkako igorpenak EROSKlren jardueren ondorio dira, baina haren jabetzakoak ez diren edo kontrolatzen ez dituen eremuetan gertatzen dira. Guztira, 15 kategoria daude (erositako gai eta zerbitzuak, sortutako hondakinak, saldutako produktuen erabilera, etab.), baina memoria honetan haietako batzuk soilik sartu ditugu, ez baitugu denei buruzko daturik. 2019an langileek trenegindako bidaiak eta erosketa-tiketen papera gehitu ditugu. Hurrengo ekitaldietan, jarduera gehiago aztertuko ditugu EROSKlren karbono azternaren 3. irismenean.

Ingurumena hobetzeko jarduerak

Gure ingurumen politikarekin eta gure jarduerari dagozkion ingurumen alderdi garrantzitsuenekin lotuta, EROSKIren lan ildoek etengabeko hobekuntza dute oinarri, eta gure helburu estrategikoekin bat egiten dute. Horietako asko jasota datoz 5. konpromisoan (kontsumo arduratsuagoa sustatzea), 6.ean (tokiko produktu gehiago eskaintzea) eta 10.ean (bizimodu osasungarriagoa eta jasangarriagoa erraztea).

Produktuak

EROSKIIn, ezinbestekoa iruditzen zaigu gure konpromisoa partekatzen duten enpresa hornitzaile arduratsuekin lankidetzan aritzea garapen jasangarriaren alde, gure eskaintzan ingurumenaren faktorea sartzeko. Saiatzen gara ingurumen inpaktua txikitzen prozesu guztietan (ekoizpenaren sorburuan, dendako eragiketetan, eraldaketan eta manipulazio guztietan). Horrek esan nahi du: bultzatu egiten dugula tratamendu fitosanitarioak desagertzea, jasangarritasun ziurtagiriak lortzen ditugula gure arrandegietan, kontrolatu

Jatorri jasangarriaren ziurtagiria

Duela zenbait hamarkada hasi ginen lanean kontsumitzaileei alternatiba osasungarriagoak eta jasangarriagoak eskaintzeko. 50 urteotan hainbat mugarri egon dira, adibidez, 1989an, ozono geruzarako kaltegarriak diren CFC aerosolak erabiltzeari utzi genion; eta 2004az geroztik gure markako produktuek ez dute transgenikorik.

Ildo berean, duela zenbait urte gure produktuen jatorri jasangarria bermatzen duten zenbait ziurtagiri, etiketa eta marka ditugu. Horien artean Belle Natural eta EROSKI Natur markak gailentzen dira bereziki; horien produktu guztiek kanpoko ziurtagiria dute, modu naturalagoan eta ingurumena zainduz ekoitzi direla ziurtatzeko. Hala, marka horietako produktuek COSMOS Natural (ECOCERT) ziurtagiria daukate kosmetikoen kasuan, eta freskoek, besteak beste, Global G.A.P., MSC edo ekoizpen integratua.

Produktu ekologikoak

Nekazaritza eta abeltzaintza ekologikoaren bidez ekoizitako elikagaiak eskaintzen ahalegintzen gara, ekoizpen eredu horrek ingurumen jardunbide onenak bermatzen dituelako. Eredu horretan, jatorri sintetikoko substantzia kimikoen eta gehigarri artifizialen erabilera baztertzeaz gain, biodibertsitatea eta natur baliabideen babesa eta animalien ongizatearekiko errespetua sustatzen dira. 2019an **ziurtagiri etiketa askotariko 2.140**

Hobekuntza ekintza horiek gure produkzio ibilbidearen zenbait etapari dagozkie. Hortaz, gure erakundetik kanpoko eragileei ere konpromisoa eskatzen diegu, gure ingurumen aztarna txikitzen lagundu badezakete, bederen. Jarduera-ildo horiek lau taldetan sailka daitezke: eskainitako produktuak; logistikako jarduerak; dendak eta haiek kudeaketa; eta kontsumitzaileak.

egiten dugula antibiotikoen erabilera, animalien ongizatea bermatzeko jardunbideak martxan ditugula eta eskaintza ekologikoen alde egiten dugula.

Gure bezeroek produktuez goza dezaten ingurumena kaltetu gabe, oinarrizko hiru lan-ildotan jarduten dugu: produktuen jatorri jasangarriaren bermea, tokiko produktuak eta hurbiltasun kontsumoa sustatzea, eta gure marketako ontzien eta produktuen ekodiseinua.

produktu ekologiko genituen; etiketa horien artean, Europako logoa da aipatzeko modukoa. Gainera, 2019an lanean aritu gara produktu ekologikoen marka propioa abiarazteko, eta lehen erreferentziak badaude eskuragarri gure dendetan, 2020. urte hasieratik.

Konpromisoa animalien ongizatearekin

- Lurrean dabilzan oiloen arrautzak saltzen ditugu gure dendetan, eta saltzen ditugun guztien % 45 inguru dira dagoeneko. EROSKIIn konpromisoa hartua dugu 2024rako denda sare osoan saltzen diren arrautza guzti-guztiak ezaugarri horretakoak izateko.
- Animalia ongizatearen Welfair™ ziurtagiri berri bat dugu txerri, oilasko eta Aragoiko bildots (ternasco) haragian, EROSKI Natur markarekin. Animal Welfare erakundeak ezartzen dituen estandar zorrotzak gainditu behar izaten dituzte horretarako, besteak beste elikaduraren, bizilekuaren, osasunaren eta jokabide naturalaren arloan. EROSKI Natur oilaskoak, halaber, European Chicken Commitment ziurtagiria eskuratzeko baldintza guztiak betetzen ditu espezieei, hazkuntzarako sistemaren ezaugarriei eta hilketari dagokienez.
- Global G.A.P ziurtagiria dugu akuikulturako EROSKI Natur arrainetan; hala, ongizatea bermatzen duten baldintza zehatz eta zorrotzetan hazi, garraiatu eta hil da.

2006an FSC ziurtagiria duen lehen produktua merkaturatu genuen.





Arrantza jasangarria EROSKIn

Itsaso eta ozeanoetako biodibertsitatearen alde lanean jarraitu nahi dugu, itsas baliabideak arrazionaltasunez baliatuta. Hori dela eta, 2016an EROSKIn arrantza jasangarrirako politika adostu genuen. Gai horretan hartutako konpromisoei erantzunez, 2019an lanean jarraitu dugu arrantza jasangarriaren alde, erreferentziatzko nazioarteko erakundeen eskutik. Aurten ere Marine Stewardship Council (MSC) erakundearen auditoretza gainditu dugu arrakastaz, arrantzategi jasangarrietatik hartutako arrainetarako. Hala, Espainia mailan arrandegi ziurtatuak dituen txikizkako banatzaile handi bakarra gara oraindik. Horrez gain, akuikulturako Global G.A.P. ziurtagiria mantentzen dugu arrainetan. 2019an zehar lanean ibili gara ziurtagiria CAPRABO dendetara zabaltzeko, beraz, 2020an nabarmen handituko dugu ziurtatutako arrandegien eta plataformen kopurua (egun, 342 eta zortzi, hurrenez hurren).

Guztira, jasangarritasun ziurtagiria duten 3.144 tona arrain erosi dira 2019an. Horien artean, 1.880 tona baino gehiagok Marine Stewardship Council (MSC) ziurtagiria zuen, alegia, arrantzategi jasangarrietatik etorriak ziren, eta 820 tonak akuikulturako GGN (GLOBAL G.A.P. Number) zigilua. Kontserben erosketetan, halaber, nabarmentzekoak dira kanaberaz arrantzatutako hegaluzeak (392 tona) eta AENOREn atun arrantza arduratsua (APR) ziurtagiria dutenak (51 tona).

Arrantza-tresna jasangarriagoak erabiltzen saiatzen garenez gero, hitzarmena dugu gure kontserbako atun hornitzaileekin; horren bidez, (Arrantza Jasangarrirako Nazioarteko Fundazioaren (ISSF) printzipioen arabera jarduteko konpromisoa hartzen dute. Soilik arrantza-tresna jasangarriagoak (kanabera, APR, FAD objekturik gabe, MSC eta FIP) erabiliz arrantzatutako atun kopurua handitu egin da; hala, erositako kontserbako atun guztiaren % 30 arrantza jasangarri eta arduratsuaren bidez lortu da. EROSKik bere arrantza iraunkorraren politika sinatu duten hornitzaileekin soilik egiten du lan; horren arabera, hornitzaile horiek ez dute onartzen EBk txartel horia ezarri dien herrialdeetatik datorren atuna, ez baitituzte betetzen Eskualde Erakundeek onartutako neurriak eta ez baitute neurriak hartu legez kanpoko arrantza amaitzeko.

Gure arrantza jasangarriaren politika hamaika printzipiotan oinarrituta dago bai egin martxan ditugun jardunbide egokiak bai etorkizunerako ezarri ditugun erronkak biltzen dituztenak.

Printzipioak eta konpromisoak EROSKIn Arrantza Jasangarriaren aldeko Politikan

Arrantza aparailu eta arrain jasangarriak gure merkataritza eskaintzan

- 1 Arrantza baliabideen jasangarritasuna aintzat hartzea merkataritza eskaintza prestatzean.
- 2 Soilik baimendutako arrantzaleku eta perzetako produktuak merkaturatzea.
- 3 Tamaina txikia dutenak errespetatzea eta gutxieneko tamainaren langa gorago ezartzearen alde egitea.
- 4 Hornitzaileen artean arrantza aparailu jasangarrien erabilera sustatzea.
- 5 Erauzketa arrantzarako MSC (Marine Stewardship Council) zigilua duten produktu jasangarriak sustatzea.

Hornidura katearen jasangarritasuna

- 6 Dendetatik hurbilen dauden kofradiak eta tokiko hornitzaileak bultzatzea.
- 7 Arrantza banatzeko jarduerak ingurumenean duen eragina txikitzea.
- 8 Langileen oinarrizko eskubideak errespetatzen dituzten hornitzaileak aukeratzea, LANERen arrantza lanari buruzko 188. Hitzarmena betez.

Gardentasuna eta gobernantza

- 9 Etiketa eta komunikazio gardena kontsumitzaileekin.
- 10 Arrantza sektoreari eta gainerako interes taldeei entzutea, eta haiekin elkarlanean jardutea.
- 11 Kontsumitzaileei arrantza jasangarriari buruzko informazioa eta prestakuntza ematea.
- 12 Gobernantza sistema bat izatea kontrol neurri efizienteekin eta ikuskaritzekin; horrela, sendotu egingo da EROSKik arrantza jasangarriaren alde duen politika.



Ontzi eta bilgarrien ekodiseinua

EROSKIIn ondo ezagutzen dugu gizarteak plastikoen kutsadurarekin duen kezka, eta urteak daramagu kutsadura hori txikitzeko jarduerak bideratzen. Geure marka propioa sortu genuenetik, gure produktuen ontziak hobetzeko egin dugu lan, eta 2013an Basque Ecodesign Center-arekin bat egin genuen. Bertan, enpresa pribatuek eta lhobe- Ingurumen Jarduketarako Sozietate Publikoak ekodiseinuko proiektu berritzaileak abiarazten dituzte; eta Euskal Herriko Unibertsitatearekin (UPV-EHU) eta nazioarteko ezagutza zentro liderrekin ere lanean ari gara.

2018an helburu hau ezarri genuen: 2025. urterako gure ontzi guztiak ekodiseinatzea, % 100 birziklagarriak izan daitezen, gehiegizko ontziak kentzea eta bai material birziklatuen bai jatorri jasangarriko materialen erabilera sustatzea. Hori lortzeko, hainbat neurri hartu ditugu, besteak beste, bezeroen artean berrerabilera bultzatzeko ekintzak. Horrela, bezeroari aukera ematen diogu harategian eta arrandegian bere ontzi berrerabilgarriak erabiltzeko, hala nola, zakote-ontziak edo taperrak. Horrez gain, 2019an sare erako poltsa berrerabilgarri berriak sartu ditugu fruta eta barazkiak soltean erosteko, erabilera bakarreko plastikozko poltsak ordezkatzeko aldera.

Eta horrekin batera produktu freskoak soltean saltzearen alde egin dugu. Gauzak horrela, 2019an ontzia kendu diegu EROSKI Natur produktu hauei: mandarinak, limoiak, mertxika gorria, mertxika horia, nektarina, paraguaiaoa, Eusko label piperra eta Euskal Baserri pipermina. Orain gure fruta eta barazkien % 60 inguru solte erosi daiteke. Beste atal batzuetan ere gehiago dira solte erosi daitezkeen produktuak; arrandegian, adibidez, % 85etik gora.

Gainera, ahalegina egiten ari gara plastikoen ordez ingurumenean inpaktu txikiagoa duten materialak erabiltzeko. Adibidez, 20 fruta eta barazkitan plastikozko erretiluak kendu eta FSC® ziurtagiria duten kartoizko erretiluak jarri ditugu, iturri jasangarria dutela bermatuz. Fruta eta barazkien atalean egindako hobekuntza hauei esker, 60 tona plastiko baino gehiago kendu ditugu urtean.

Gainera, erabilgarritasunaren edo elikagaien segurtasunaren aldetik ontzietan ezinbestekoak ez diren elementuak kentzen ari gara, eta material birziklatuen erabilera sustatzen dugu, ekonomia zirkularraren ereduarekin dugun konpromisoa betez. Horiek horrela, neurri hauek hartu ditugu, besteak beste: haragi eta arrainen erretiluen plastikoen % 80 baino gehiago birziklatua da, eta horrek esan nahi du erabilera bakarreko 45 tona plastiko kentzen ari garela urtean; opilgintzako erretiluak, poliestirenozkoak, PET % 100 birziklatuarekin ordezkatu ditugu, eta horrekin 250

1997an hasi ginen
poltsa berrerabilgarriak
eskaintzen, eta 2010ean
poltsak kobratzen hasi
ginen; hala, lehen urtean
% 62 murriztu
genuen poltsa
horien kontsumoa.



tona plastiko birjina baino gehiago saihestuko ditugu urtean; halaber, jatorri fosileko plastikozko poltsa, 15 erabilerakoa, plastiko birziklatuarekin (% 55 baino gehiago) egindako poltsarekin ordezkatu dugu.

Kutxa-lerroetako poltsei dagokienez, 2019aren hasieran hainbat neurri jasangarri hartu genituen plastikozko ohiko erosketa poltsa ordezkatzeko. Hortaz, % 55 material birziklatu baino gehiagorekin egindako poltsaz gain, FSC® zigilua duen paperezko poltsa bat ere eskaintzen hasi ginen, % 100 birziklagarria dena; eta poltsa konpostagarria ere bai, landare-jatorriko materialekin egindakoa, gero zabor organikoak botatzeko erabil daitekeena. Irtenbide jasangarri berri horiekin



batera, EROSKI poltsa berrerabilgarria (% 70 material birziklatuekin eginda dagoena) eta oihalezko poltsa solidarioa (tolesgarria, poltsikoan, poltsan edo autoko gordetegian eraman ahal izateko) mantentzen ditu. Azken horrek, gainera, ingurumenarekiko errespetua eta solidaritatea uztartzen ditu, izan ere, horien salmentarekin lortutako diru guztia kausa solidarioetara zuzentzen dugu.

Ilido horretan, CAPRABOn #proyectoCERES proiektuan parte hartu dugu, Ellen MacArthur Foundation erakundearen ekimena, erabilera bakarreko plastikozko poltsak poltsa konpostagarriekin ordezkatzeko, bai kutxa-lerroetan bai supermerkatuetako ataletan. 2020ko urtarrilean Nafarroako sareko dendetan erabilera bakarreko ohiko poltsa guzti-guztiak kentzen hasi ginen. 2020an zehar, pixkanaka, poltsa horiek kenduko ditugu sareko gainerako saltokietan. Halaber, Europako LIFE programako ReWINE berrikuntza proiektuan ere parte hartu dugu, ardo-botilen berrerabilera errazteko.

Ekintza hauek guztiak gure ibilbide-orriaren hastapenak dira, helburu hauek lortzeko: batetik, 2025 a. urtean ontzietako erabilera bakarreko plastikoa gutxienez % 20 tona murriztea, eta bestetik, 2021ean ontziratutako produktu freskoetan ohiko plastikoa % 21 tona murriztea.

“Fruta eta barazki itsusiak”, elikagaien zarrastelkeriaren kontra

Elikadura eta Nekazaritzarako Nazio Batuen Erakundeak (FAO) emandako datuen arabera, munduan ekoizten diren elikagaien herena zaborretara joaten da.

Urdaibaiko kostaldea garbitzen laguntzen dugu

EROSKIko arrandegiko langileek arrantza jasangarriko proiektuarekin eskuratutako KREA sariaren zenbatekoa eman zioten urpeko kirolak eskaintzen dituen Bermeoko Izaro Sub klubari, Urdaibaiko kostaldea garbitzen laguntzeko. Garbiketa ekainaren 8an egin zen, Ozeanoen Munduko Egunean, itsasoan bukatzen duen eta, horrenbestez, itsasoa kutsatzen duen zabor eta plastiko kopuruarekiko kontzientzia sortzeko helburuarekin.

EROSKIIn, nekazaritza sektorearen jasangarritasunarekin eta elikagaien zarrastelkeriaren kontra hartu dugun konpromisoaren alde, itxuragatik edo tamainagatik “itsusi”-tzat jotzen diren fruten eta barazkien barietateak merkaturatzea erabaki dugu. 2019an, guztira, 566 tona fruta eta barazki “itsusi” merkaturatu genituen sarean.

Aitzindariak marka propioko elikagaien ingurumen-adierazpenak argitaratzen

EROSKI izan da marka propioko elikagaien ingurumen-adierazpenak argitaratu dituen kontsumo handiko lehen banaketa katea; adierazpen horiek AENOR GlobalEPD programan egiaztatu dira, EPD System nazioarteko programak ezarritako Produktuen Kategoría Arauen arabera (PKA). Ingurumen-adierazpenak Euskadiko baserriko arrautzen hornitzaileekin, Euskaber; esne hornitzaileekin, Karrantza Harana ENS; ontziratzeaz arduratzen den Lácteos de Santander enpresarekin; eta Basque Ecodesign Center-ekin elkarlanean egin dira. Euskadiko EROSKI esneak Nekazaritza, Arrantza eta Elikadura Ministerioaren esneki jasangarria (“producto lacteo sostenible”) zigilua dauka, eta EROSKI Natur arrautza freskoak lurrean, askatasunean, hazitako oiloenak dira. Proiektu horri esker ekoizleek beren produktuek ingurumenean duten inpaktua ezagut dezakete, eta horien minimizatzeko neurriak har ditzakete. Gainera, kontsumitzaileek ere elikagai horiei buruzko informazio gardena, alderagarria eta frogatua jasotzen dute. Produktuaren ingurumen-adierazpenak argitaratzea da EROSKI gardentasunarekin eta kontsumitzaileen prestakuntzarekin hartu duen konpromisoetako bat, kontsumo jasangarriagoa bultzatze aldera.

EROSKIIn gure produktuen ingurumen profila egiten jarraituko dugu, eta horretarako adituekin eta hornitzaileekin elkarlanean arituko gara, bezeroei ingurumenari lotutako informazioa ematen laguntzeko. Hala, 2019ko martxoaren amaieran ELIKA-PEF proiektua bukatu dugu, eta hurrengoari ekin diogu, EUSKO-PEF proiektuari, AZTIren eta Euskadiko zenbait ETEn partaidetzarekin. Bertan, sistema aurreratu bat garatu dugu Euskadiko elikagaien ingurumen azarna kalkulatzeko, informatzeko eta egiaztatzeko. Proiektuok Eskualde Garapeneko Europako Funtsak (EGEF) eta lhobek finantzatu dituzte, 2017an eta 2018an, hurrenez hurren, proiektu ekoberritzaileak sustatzeko. Horri esker, elikaduraren sektorea ekoizpen eredu jasangarriago baterantz hurbilduko da Euskadin, batez ere enpresa txiki eta ertainak, eta ingurumenari buruzko informazio gardenagoa eskainiko da.

Logistika

EROSKIk LEAN & GREEN proiektuaren saria eskuratu du Ekoizleen eta Banatzaileen Elkartearen (AECOC) eskutik, bost urteko epean bere CO₂ isurketak gutxienez % 20 murrizteko ekintza-planari esker. LEAN & GREEN Europa mailako elkarlan plataformarik handiena da, eta hornidura kateko isurketak murriztea du helburu.

Azken lau urteotan, EROSKIk % 14,8 gutxitu ditu garraioaren ondoriozko isurketak, hau da, CO₂ baliokidearen 15.000 tonatik gora gutxiago isurtzen ditu. Hori posible izan da eraginkortasunean eta jasangarritasunean oinarritutako garraioaren ereduaren bideratutako hainbat ekimenei esker:




1
Horniketa
efizienteagoa

- Plataformen berrantolaketa, merkataritza berregituraketaren bitartez, eta ibilbideak hobeto kudeatzea.
- Freskoak zamatzeko prozesuak optimizatzea.
- Zamatzeko irizpideak aldatzea ex work jardueretarako.
- Kamioiak gehiago betetzea.
- Ibilbideak optimizatzea eta eskaerak isolatzea.



2
Gutxiago kutsatzen duten
ibilgailuak eta gidaritza

- Ibilgailuak berritzea, eta pixkanaka EURO 3 arteko kamioiak kentzea.
- Citytrailer delakoa eta 25 x 25 metroko kamioiak jartzea, salgai gehiago sartzeko eta, horrenbestez, garraiatutako tona bakoitzaren inpaktua murrizteko.
- Erregai alternatiboak darabilten ibilgailuak jartzea, hala nola, gas natural likidotua eta konprimatua.
- Errepideko garraioaz arduratzen diren gidariei irakastea modu ekologikoan gidatzen.



3
Plataforma
jasangarriagoak

- Energia berdea erostea.
- Plataformen energia efizientzia hobetzea LED argiekin, mugimendua sumatzeko detektagailuekin, tenperatua robotekin eta argi naturalarekin.
- Eguzki plakak instalatzea ingurumenean inpaktu txikiagoa izango duen argindarraz hornitzeko.
- Bilgarrietarako erabilitako material kopurua gutxitzea.



4
Alderantzizko logistika

- Dendetan sortutako hondakinak kudeatzea eta balorizatzea. Horretarako, plataformara bueltatzen diren kamioi berberak erabiliko dira, garraioaren inpaktua txikituz. Neurri hori gure zero hondakin sortzeko helburuaren barruan sartzen da; izan ere, azpiproduktu organiko eta ez-organiko guztiak biltzea eta tratatzea ahalbidetzen du, eta behar bezala birziklatzea.



5
Hiri logistika
optimizatzea

- Gaueko zamalanak egitea, erabilera askotariko bideak baliatzea eta zamalanetarako lekuen gordetze dinamikoak, hiri ingurunean inpaktu txikiagoa izan dezan.
- Kutsadura akustikoari dagokionez, gauez banatzearen ereduaren barruan produktua dendetan gauez eta modu zentralizatuan banatzea dago. Gauez, soinu-igorpenak egunez baino txikiagoak izan behar dira. Zamalanetan muga horiek errespetatzen direla bermatzeko, banaketa ereduaren zenbait neurri hartu dira hainbat arlotan. Batetik, dendari dagokionez, egokitu egingo da

zamalan horiek egiteko: ixteko sistemak, alarma sektorizatuak, isolamendu akustikoa eta abar. Gainera, behar den tresneria ere aintzat hartu da, hala nola, eskorgak, transpalet isilak edo zintarriekin ez jotzeko sistemak. Bestetik, zamalanetan ari diren langileak trebatzen dira zarata egin gabe lan egiteko diseinatutako protokoloen berri izan dezaten, lanpostu bakoitzari dagozkionak: egunez dendetan lan egiten dutenak, gauez ari direnak eta banatzaileak. Azkenik, desbideratzeak zuzentze aldera, barne audiforetzak egiten dira, desbideratzeok hautemateko eta saltoki operatiboetan ezarritako protokoloak betetzen direla egiaztatzeko. Hauetako neurri asko udalekin batera kudeatzen dira, egokiak direla ziurtatzeko.

Denda ekoeraginkorrak

EROSKIren sare komertziala "zurekin" eredura berritzeak eta zabaltzeak orobat dakartza ingurumen irizpideen arabera hobekuntzak dela eraikuntzan eta dela kudeaketan.

Ekoberrikuntza EROSKI denden ezaugarri nagusietako bat izan da hasieratik. Horren frogarria gisa, hona adibide bat: duela 20 urte baino gehiago, Espainian ISO 14001 ziurtagiria lortu genuen, eta, hala, ingurumen kudeaketako lehen sistema ezarri genuen Arteako gure hipermerkatuan, Leioan (Bizkaia). Gure asmoa da energia berriztagarri hornitzen diren eta CO₂-aren balantze neutroa lortzen duten supermerkatuak izatea. Horretarako, I+G+b proiektuak egiten ditugu gure dendetan. Ildo horretan, adibide esanguratsua

da Oñatiko (Gipuzkoa) zero igorpen denda, zeinak 2019an berriro baitu bere ISO 50001 energia ziurtagiria. Denda horietan ikasitako jardunbide onak gure sare komertzialeko gainerako saltokietan ezartzen ari gara.

Gure eredu berrituak efizientzia hobetzen du, hotz, klimatizazio eta argiztapen sistema eta ekipamendu berrien bitartez. Energia arloko eraginkortasuna ez ezik, zero zabor ereduko kudeaketa ere egiten dugu saltoki sare horretan, eta, ondorioz, "EROSKI zurekin" ereduko dendak punta-puntakoak dira jasangarritasun eta ingurumen politikan. Energia eredu berri hori supermerkatuen eta hipermerkatuen irekiera eta berritze lan guztietara hedatzen ari gara.

Jasangarritasunez eraikitzea eta hornitzea

Energia gutxiago kontsumitzen duten eta ingurumen eragin txikiagoa duten diseinu eta ekipamenduen alde egiten dugu. Horri esker, EROSKI % 16 gutxitu dugu gas naturalaren kontsumoa, eta elektrizitatea, berriz, % 9. Hona hemen ezarritako neurrien adibide batzuk:

Argiztapena optimizatzea eta LED argiak

Argi guztiak azken belaunaldiko LED motakoak dira. Argi mota hori birziklatu egin daiteke, eta ez du merkuriorik, berunik, tungstenorik edo beste material kutsatzailerik. Argiak automata batetik ere piztu daitezke; horrekin

erabilera optimizatzen dugu, eta gaueko argi kutsadura gutxitzen. Gainera, kanpoko eta inguruko argiak pizteko eta amatzeko prozesua optimizatzeak, fotozelulak edo detektagailu krepuskularrak instalatzen ari gara, ekipamenduak benetan beharra dagoenean pizteko; hala, behar ez denean amatzuta egongo dira.

Halaber, egunez, sabai-leihoak dituzten zentroetan kanpoko argia aprobetxatzen dugu, argi-maila harrapatzen duten zunden bidez, eta erregulazio proportzionaleko begizta baten bitartez salmenta aretoko argien intentsitatea erregulatzen da. Argiak LED teknologia darabilte eta erregulazio sistema bat daukate, argiztapena optimizatu ahal izateko.

Hotz instalazio eraginkorrak eta gutxiago kutsatzen duten gasekin

Hozkailuen instalazioetan aplikatutako ingurumen neurriak honako hauek dira, batik bat: CO₂-ko hozteko zentral negatibo bat instalatzea eta positiboak R134koa. Horrela, energia aurrezki nabarmena lortzen da, eta, gainera, klima aldaketari eragiten ez dioten gasekin jarduten dute. Instalazio horrek kondentsazio flotagarriko sistema bat ere badu, kontsumo elektrikoa murrizteko.

Oro har, erabiltzen ditugun gas hozgarriek ozono geruza agortzeko ahalmen nulua, atmosfera berotzeko potentzial txikia eta energia eraginkortasun handia dute. Gainera, DNI detektagailu sistema adimenduna instalatu dugu 27 zentro baino gehiagotan, horrelako gasen isurketa ahalik eta gehien gutxitze aldera.

Hotzerako altzariak azken belaunaldikoak dira, beiraz hornitutako ateekin, dendako korridoreak ez hozteko, eta produktuen kontserbazioa hobea bermatzeko, tenperatura zorrotz mantenduz; gainera, bezeroen erosotasunari ere mesede egiten dio.

Klimatizazioa

Klimatizazioa optimoa izan dadin, energia ereduak roof top sistema du (horrek isolamendu akustiko espezifikoak ematen du etxebizitzetarako), eta beroa berreskuratzeak sistema bat ere bai, salmenta aretoko; hauek hozteko zentralaren pantaila akustikoei gehitzen zaizkie. Klima kudeaketa sisteman integratuta dago, eta horrek airearen tenperatura, hezetasuna eta kalitatea kontrolatzen ditu, urruneko zaintza sistema baten bidez, kontsumo elektrikoa handitzen duten gertakariak izaten direnean. Instalazioak sare analizatzaileak ditu, kontsumoa kontrolatzeko, analisi software propio batean integratuta. Softwarea EROSKIko Energia lantaldeak egin du, eta funtzionamendu alarmak sortzen ditu kontsumo elektrikoa aurreikusitakotik aldentzen denean.



Ekonomia zirkularra

Hondakinen kudeaketa eta balorizazioa prebentzioan eta ekonomia zirkularreko eredu baten erabilieran oinarritzen ditugu. Gure ingurumen eragina txikitzeko funtsezko ardatzetako bat denez, ahalegin handiak egiten ditugu sortzen ditugun hondakinak prebenitu, kudeatu eta balorizatzeke.

Hondakinak gutxitzea

Gure jardueran sortzen diren hondakinak gutxitzeko lan egiten dugu. Besteak beste, ekodiseinua erabiltzen dugu marka propioko produktuetan, iraungitze data hurbil duten produktu freskoen promozioa egiten dugu, eta kontsumorako egokiak izan arren salmentatik kendu diren elikagaiak ematen ditugu gizarte bazterketako arriskuan diren pertsonentzat, “Zero Hondakin” programaren bidez.

Horrez gain, bezeroak erosketa poltsak berrerabiltzera, fruta erosteko behin baino gehiagotan erabil daitezkeen sareak baliatzera edo harategian zein arrandegian taperrak erabiltzera animatzen ditugu, dendetan erabilera bakarreko plastikoaren kontsumoa murrizte aldera.

Era berean, tiket digitala txertatu dugu, bezeroek APPan izan dezaten erosketari buruzko informazioa; horri esker, paper gutxiago kontsumituko da dendetan. **2019an tiketet papera % 14 murriztu genuen; beraz, 45 tona paper aurreztu genituen.**

Hondakinak kudeatzea eta balorizatzea

EROSKIn, gure instalazio eta dendetan sortutako hondakinak behar bezala kudeatzeaz eta balorizatzeaz arduratzen gara, lehentasunezko tratamendutzat birziklatzea eta berrerabilera sustatuz. Ekonomia zirkularraren ikuspegitik, alderantzizko logistikako prozesuak bultzatzen ditugu, dendetatik plataformetara eta enpresa hornitzaileetara, sortzen ditugun hondakin organiko eta ez-organikoak behar bezala berrerabiltzeko. Horrek, hondakin kantitatea minimizatzeaz gain, beste prozesu produktibo batzuetan lehengai birjinarik ez erabiltzea ere esan nahi du.

Hondakin organikoak

Alderantzizko logistika erabiliz edo baimendun kudeatzaileen bidez, gure dendetan sortutako hondakin organikoak jasotzen ditugu, irinak eta animalia olioak zein animaliei jaten emateko pentsuen fabrikazioan lehengai gisa erabiltzeko.

Hondakin ez organikoak

- Marka propioko ekoizleak garenez, urtero gure produktuen ontzien, gailu elektriko, pilen, olioien eta argien aitortpena egien diegu sortzailearen erantzukizun hedatuko sistema kolektibo, hala nola, ECOEMBES eta ECOVIDRIO erakundeei. Erakunde horiek bermatzen dute gure produktuak erabiltzean sortutako hondakinak behar bezala berreskuratu eta kudeatzen direla. ECOEMBESi aitortzen dizkiogun ontzien birziklapenari esker, urtebetean CO₂ baliokidearen 1.546 tona baino gehiago igortzea

ekiditen dugu, jarduera zehatzen eta informazio kanpainen bitartez.

- Gure instalazioetan sortutako kartoia, plastikoa, papera eta zura birziklatzen dugu. Horretarako, gure dendetan baztertutako materialak jasotzen ditugu, eta haiek tratatzeko baimena duten kudeaketa sistema integratuekin elkarlanean aritzen gara.

- Gure banaketa eragiketetan, ontzi logistikoak berrerabiltzen ditugu.

- Kontsumitzaileen hondakinak birziklatzeko aukera ematen dugu. Horretarako, gure dendetan gune garbiak jartzen ditugu haien esku, pilak, gailu elektrikoak, lanparak, arropa, etxeko olio eta tonerra jasotzeko, besteak beste.

Kafe kapsulak birziklatzea

Aurrera jarraitzen dugu kontsumitzaileari ohitura jasangarriagoak errazteko konpromisoan; hori dela eta, kafe kapsulak birziklatzeko proiektua zabaldu dugu denda guztietara. Ekimen aitzindaria da Espainian. 2019an 6 tona kafe kapsula baino gehiago bildu ditugu.

Berrikuntza elikadura hondakinen kudeaketa zirkularrerako

2019an LIFE CITRUSPACK proiektuarekin jarraitu dugu. 2017ko uztailan abiarazi zen eta 2020ko ekainean amaituko da. Proiektuaren helburua da ekonomia zirkularrean errebalorizazio estrategiak bilatzea, ontzietan eta kosmetiko berdeetan hondakin zitrikoak erabiltzeko. Halaber, Ausolan, Gaiker, BCC eta ISEArekin batera, “NUTRACEUTICAL OMNIUM” proiektuan jarraitzen dugu, 2020an bukatuko dena. HAZITEK 2019 programaren barruan finantzatuta dagoen proiektua da, eta elikadura hondakinekin neutrazeutikoak ekoiztea du xede.

Kontsumitzaileak

EROSKIn ondo dakigu pertsona bakoitzak ingurumena babesten lagundu dezakeela, kontsumo eredu jasangarri eta arduratsu bat aukeratuz gero. Kontsumitzaileen prestakuntzara eta kontzientziaziora bideratzen dugu gure ahalegina, sentsibilizazio kanpainak eginez eta eduki pedagogikoak argitaratuz gure web plataformetan eta beste euskarri informatibo batzuetan. Gainera, helburu horrekin bat, bezerorekin, langileekin eta instituzioekin elkarlanean jarduteko ekimenak sustatzen eta garatzen ditugu.

Planetaren Ordua

Ondoz ondoko zortzigarren urtez, EROSKik bat egin du “Planetaren Ordua” ekimenarekin. WWF elkarteak antolatutako Nazio Batuek babesten dute mundu osoan egiten den ordubeteko itzalaldi elektriko hori, eta ingurumenaren aldeko ekimen globalik handiena da. Aurtengo leloa “Konektatu eta itzali argia” izan da.

“Camiño a Camiño” ingurumen programa

VEGALSA-EROSKik, beste behin ere, Vigoko Udalak antolatutako “Camiño a Camiño” ingurumen programan hartu du parte. Horren bitartez, biztanleak eskualde horretako flora eta faunara hurbildu nahi dira, eta ohitura osasungarri eta jasangarriak sustatu.

Hondakinak Prebenitzeko 2019ko Europako Astea CAPRABON

CAPRABOn bat egin dugu Hondakinak Prebenitzeko 2019ko Europako Astearekin, kontzientziazte eta sentsibilizatzeko jardueren bitartez, arroparen eta zapaten berrerabilera eta birziklapena sustatzeko eta zabortegetietara joaten den zaborra gutxitzeko.

CONSUMER EROSKiren kontsumo arduratsuko gidaliburua

2019an, EUSKOPEF berrikuntza proiektuaren barruan, kontsumo arduratsuko gidaliburua prestatu dugu kontsumitzaileentzat; nahi duenak eskuragarri dauka comprasostenible.consumer.es webgunean. Gainera, ingurumeneko kanal espezializatua ere badaukagu www.consumer.es webgunean, pertsonen kontsumo ohitura jasangarriak irakasteko. Horretarako, besteak beste, naturari, hiriko ingurumenari, parke naturalei, energiari eta zientziari buruzko edukiak argitaratzen ditugu.

“Unha árbore, unha historia”

VEGALSA-EROSKIn jarraitzen dugu ingurumenaren jasangarritasunak duen balioa sustatzen Galiziako eskoletan, gure “Unha árbore, unha historia” proiektuaren bitartez. 2019an, ipuin laburren lehiaketa literarioaz gain, 70 haritzondo eta gaztainondo birlandatu ditugu Sigüeiro inguruan.



EROSKiren Elikadura Eskola

EROSKiren Elikadura Eskolako Elikadura eta Ohitura Osasungarri buruzko Heziketa Programan, jasangarritasunari buruzko modulu espezifikoa bat dago, eta WWF erakundeak ere hartan parte hartzen du, edukiak emanez. Heziketa modulu horri esker, jasangarritasunari, elikagaien ekoizpen jasangarriari eta dieta jasangarriari buruzko prestakuntza eman diegu 442.677 ikasleri 2018-2019ko ikasturteetan. Gainera, www.escueladealimentacion.es webguneak elikagaien zarrastelkeria saihesteko zenbait eduki ditu.

Berraktibatu + programa

Bizkaiko Foru Aldundiak sustatzen duen “Berraktibatu +” programan parte hartzen dugu. Ekimen hori Global Action Plan (GAP) nazioarteko programan dago oinarrituta, eta herritarrek ingurumen jasangarritasunaren alde egitea du helburu; horretarako, kontsumo ohitura egokiak zabalitzen ditu. Gure bezero eta langileek izena eman dezakete www.reactivatemas.eus webgunean, EROSKiren kode hau erabiliz: 64007.